

30.september 2020

UKA2020/7

2021-imut aningaasanut inatsisissatut siunnersuut.

(Aningaasaqarnermut Naalakkersuisoq)

Aningaasanut inatsisissaq siullermeerneqarnera.

Aningaasanut inatsit tassaavoq pisortanit inuiaqatigiinni ukiup iluitsup iluani aningaasartorfigi-umasat isertikkumaagassallu sinaakkutaat. Sinaakkusiineq aammalu annertussusiliineq naalakkersuisuniingilaq kisiannili inatsisartuniippoq. Inatsisartut aningaasanut inatsisaat.

Inatsisissatut ilusiligassarput neriutigilluinnarpara imatut inerneqariartussasoq, Nunarput ataa-siusutut ineriartorfiusoq, Nunarput sumiikkaluartuniluunniit tamanit aningaasanut inatsikkut eqqaamanearlutik pitsanngoriartitsiffiusoq aammalu Nunarput aningaasatigut imminut na-patinnissaminut aqutissiuttooq.

Aningaasaqarnermut ataatsimiititaliami ilaasortaavunga. Aasaq maanna aningaasanut inatsisissatut siunnersuut aningaasaqarnermut naalakkersuisuutitatta saqqummiussaa quppernermiit qup-pernermut tullerriaarlugu atuarlugulu isummorsorfigaarput. Aningaasanut inatsit naalakkersuisunit saqqummiunneqarnerani marlussunnik pingaarnertut maluginiagaqarpugut, tassalu nualluussuaq pequtigalugu sillimmartaarnissat pisariaqarput aningaasatigullu eqqanaarnissaq pisariaqarluni aappaattullu aningaasartuutaajumaartussat pakkersimaarniarneqarnerani iliuusissat pisariaqarput. Naalakkersuisut sipaarniutigisamittut taasai aallarniutaapput pingaaruteqartut, taamaattoq isu-maqarpugut naalakkersuisoqarfiit aamma sipaarniarfigineqarsinnaaneri sulii pimoorusiffi- neqarnerullutik allaffissornerujussuarmik aallertoqarsinnaanera aningaasartuutikillisaasoqartaria-qarneranillu kissaateqarluta nutaamik pingaarnersiueqqusineq ataatsimoorfigaarput. Kissaate-qarnitsigut tamanna naalakkersuisut sipaarfissamik ujartuinerini tunuliaqutsiivugut sulii sipaarfiusinaasut amerlanerit ujartorlutigit. Ippassaq oqallinnermi illuatungiliuttunit oqaatigeqattaarneqarpoq atorsinnaanngimmanngooq atorunnaarsinneqartoq aammagooq an- ingaasanut inatsiseqanngitsugut. Erseqqissaassutigilara inatsisartut aningaasanut inatsisaat atuut- toq inatsisaavoq, inatsillu allamik taarserneqarnissami tungaanut atuuttuvoq. Tassa inatsisartut inatsisai taamaapput. Inatsisartutut ilisimasariaqarpoq tamanna.

Inatsisartutut akisussaasutut pisariaqarpoq aningaasanut inatsisissaq aqutigalugu nammineq partii- tut qineqqusaarutaannaat piviusunngortinniarnearnerani kisiisa sukataarutiginninnissaat, pisussaa- vugullu inatsisartutut nunarput tamaat inuilu tamaasa partiit akimorlugit sullisissallutigit.

Ukiuni makkunani inuiaqatigiittut unammilligassavut angisoorsuit immikkut taajumavagut.

Nunatta Qitornai

Inatsisartuni



Meeqqat inuusuttuaqqallu pillugit pisortanit ikiorsiissuteqartarnermut peqqussutip tamakkiisumik isiginnittuusooq timalimmik politikkeqarfigineqarluni aningaasaliinertaqartariaqarpoq. Meeqqat angerlarsimaffiup avataanut inissineqarsimatillutik peqqussut naapertorlugu tamanna piffissap sivikinnerpaaffianiittussaaitaavoq. Ima paasisariaqarpoq tassa meeqqat angerlaqqissinnaan-iassappata angerlarfissaa pillugu sulisoqassaaq. Angajoqqaat akisussaaffimminnik assigiinngitsunik peqquteqartumik kivitsisinnaanngitsut isiginiarneqartariaqarput. Ikiorserneqarnerisigut, siunner-sorneqarneritigut aammalu ajornartorsiutaasa paasinerisigut naliliineq attanneqarsinnaasoq tunaartaali. Ullumikkut meeqqat angajoqqaaminnit paaqqutarineqanngitsortavut pillugit an-ingaasartuutivut 1 mia. anguaat, tassalu ulloq unnuarlu angerlarsimaffiit, sulisut, aningaasarsiat, pik-korissarnerit, angalanerit, angajoqqaarsiaagallartut, atortut, nerisat allallu tamaasa ilanngullugit. In-uit 56.000-iinnaalluta 1 mia. paarsisinnaanngitsuuneq peqqutigalugu aningaasartuutit matuniarner-inut artorsalerpugut. Maannamut periusertut anaananut ataamullu sammilertariaqarput. Anga-joqqaat siusinnerusukkut akuleruffigineqartariaqarput ajornartorsiutip annertusiartornera utaqqinagu. Siusissumik iliuseqarneruvoq naggataatigut meeqqat angajoqqaaminnit avissar-tinnissaanik pinngitsoortitsisinnaasoq aammalu ilaqutariittut annassutaasinnaasoq. Tamanna peri-usissaq anguniarlugu aningaasaleeriaaserput allanngortittariaqartoq isumaqarluinnarpugut.

Innuttaasut sulisinnaasut amerlasuut pisariaqartippavut. Ullumikkut inuiaqatigiinni ikitsunnguusuni inissisimanitsinni tupinnaanartumik amerlaqisut sulisinnaanngillat. Tamanna peqquteqarpoq. Peqqutaalu isiginnngitsusaarneqarpallaarsoraarput.

Kisitsisit pigisavut meeqqat aammalumi inersimasut meeraanerup nalaani kinguaassiuutitigut atornerlunneqarsimasut amiilaarnarluinnarput. Amiilaarnarluinnartoq tamanna ilisimaaraarput. In-narlerneqarsimanerup kingunerisaasa ilaat tassaavoq katsorsarneqarsimannngikkaanni aammalu ikiorserneqarsimannngikkaanni inuunermi allatuulli tunniussaqaarsinnaannginneq, nukissaqanngin-neq, nikallugasarneq assigiinngitsutigullu inuttut suliffimmu tunnisimasinnaaneq aalajaaffigisin-naanagu inissisimaneq. Isumaqarpugut innuttaasut pisariaqartitsisut katsorsarneqarniarnermillu kissaatigisaqartut neqeroorfigineqarnerat annertusisamiittariaqartoq. Inuit ikiorneqartut, tusaaneqartut aammalu alloriartinneqartut tassaapput inuiaqatigiinnut akuusutut misigisimasut aammalu nukissamik tunineqartut ingerlariaqqinnissamut. Ingerlariaqqitsitsinissamut tunuliaqtsi-iumavugut isumaqarpugullu aningaasaliinerusoq inuiaqatigiit alloriaatigisassa at aammalu isu-maqarpugut aningaasaliinerusoq inuiattut kivitseqataanissamut aqqut.

Nualluussuup siaruatsaaliineqarneranut sulineq sullinnerlu nersualaarutigeqqikkusupparput. Toqqissisimanarpoq nunatta paarineqarnera illersorneqarneralu. Qujanaq.

Tassungali killissanngilagut. Nakorsaanerup peqqissutsimullu naalakkersuisutta ippassaq ili-masaarutigat ilimanarsinnaasoq nunatsinni nualluussuarmik napparsimasoqaratarsinnaaneramik,

Nunatta Qitornai

Inatsisartuni



pequtissaqartippaatigullu akisussaaffitsinnik nammannissatsinnik sissuernissatsinnillu. Piffinni inoqarfinni misissortissinnaanermut atortut, assiaqutit, saaffissat allallu suli nukittorsarneqarnissaanut aningaasatigut tunuliaqutsiisariaqarpugut. Nappaalaneqassagaluarpat uninngavissat aammalu ajornerpaamik atugaqalissagaluarutta atortorissaarutitigut amikkitsinnginnissaq isumagineqarsinnaanerlu sallsaali pingaarnaq.

Ilimagissavarput nualluussuup nunarsuarmi atugaanera suli sivisusinnaammat ukiullu marluk suli minnerpaamik sillimmartaarfiusariaqarpugut. Pilersaarutit piviusunngortitsiniarnermi utaqqissinnaasut paasinnilluarluta utaqqissunneqarnissaat innersuupparput. Inuit ikiorneqartariaqartut utaqqissunneqassanngitsut innersuupparput. Inuiaqatigiit unittoornissaanik pinngitsoortitsiniarluni suliniarnerit taperserpavut. Inuussutissarsiortut tunuliaqutserpavut aammalu suli nukittuumik suliniarnermi oqariartuutai ataatsimoorluni alloriarfiussasut taperserlugit.

Nunarput inatsisartoqarfeqarpoq ataatsimik, Nunarput naalakkersuisoqarfeqarput ataatsimik, Nunarput qinersiviuvoq ataaseq tamannalu aningaasanik inatsisikkut takutitsigu tamarmik ataa-siusutut isigineqarlutik naligiittut ineriartorfiissanik ataatsimoorfeqarnitsigut.